



POLISI KETIDAKPATUHAN DALAM PEROLEHAN LEMBAGA ZAKAT NEGERI KEDAH DARUL AMAN

Seksyen A - Tujuan

1. Polisi ini menerangkan Polisi Ketidakpatuhan Dalam Perolehan Lembaga Zakat Negeri Kedah (LZNK) dan tindakan tatatertib yang diterima pakai sebagai polisi umum. Mana-mana prosedur dan garis panduan menyentuh tentang hal ini adalah merupakan sokongan dan perincian kepada implementasi polisi yang tersebut.
2. LZNK adalah bertanggungjawab dalam memastikan pelaksanaan polisi ketidakpatuhan dalam perolehan LZNK bagi Syarikat/Firma Perunding dan syarat-syarat yang berkaitan selaras dengan undang-undang dan peraturan yang berkuat kuasa di LZNK.
3. Objektif Polisi Ketidakpatuhan Dalam Perolehan LZNK adalah bagi memastikan:
 - i. Memberi pengetahuan dan kefahaman mengenai kewujudan polisi ketidakpatuhan dalam perolehan LZNK dan tindakan tatatertib kepada Syarikat dan Firma Perunding;
 - ii. Menjelaskan peranan dan tanggungjawab Syarikat dan Firma Perunding;
 - iii. Meningkatkan kualiti sistem penyampaian berkesan;
 - iv. Meminimumkan risiko perolehan LZNK.

Seksyen B - Skop

Polisi ini terpakai kepada semua Syarikat dan Firma Perunding (meliputi semua individu, syarikat, perniagaan, firma perunding, kontraktor dan pertubuhan) yang menjalankan urusan dengan LZNK.

Polisi ini meliputi :

- I – Kesalahan Kerana Melanggar Syarat Pendaftaran
- II – Kesalahan Kerana Melanggar Syarat Pelantikan/Kontrak
- III – Kesalahan Jenayah Dan Tanggungan Sivil

Seksyen C – Tanggungjawab Pegawai

Semua pegawai LZNK yang berurusan dengan Syarikat dan Firma Perunding bertanggungjawab memastikan Polisi Pendaftaran Syarikat dan Firma Perunding LZNK dipatuhi.

Seksyen D - Kenyataan Polisi

Semua Syarikat dan Firma Perunding termasuk pihak yang terlibat dalam pengurusan Syarikat dan Firma Pembekal LZNK sama ada secara langsung atau tidak langsung adalah tertakluk (tetapi tidak terhad) kepada:

- i. Enakmen Lembaga Zakat Kedah Darul Aman 2015 [Enakmen No.23]
- ii. Peraturan Kewangan LZNK
- iii. Akta Badan-Badan Berkanun (Tatatertib dan Surcaj) 2000 [Akta 605]
- iv. Akta Rahsia Rasmi 1972 [Akta 88]
- v. Akta Suruhanjaya Pencegahan Rasuah 2009 [Akta 694]

Seksyen E – Garis Panduan

1. Tindakan Tatatertib Ke atas Syarikat dan Firma Perunding LZNK

Jenis-Jenis Kesalahan Yang Dilakukan Oleh Syarikat dan Firma Perunding LZNK

(a) Kesalahan Kerana Melanggar Syarat Pendaftaran

1. Memalsu atau meminda maklumat/dokumen

- i. Syarikat dan Firma Perunding telah mengemukakan/menggunakan maklumat palsu atau tidak benar dalam permohonan sama ada pendaftaran baru atau pembaharuan atau tambah bidang atau bagi tujuan pengiktirafan taraf pembuat;
- ii. Syarikat dan Firma Perunding memalsukan atau meminda apa-apa catatan di dalam Sijil Akuan Pendaftaran yang dikeluarkan oleh Kementerian Kewangan;
- iii. Syarikat dan Firma Perunding telah memalsukan pegangan ekuiti Bumiputera di dalam Syarikat dan Firma Perunding dengan tujuan untuk mendapat taraf Bumiputera; atau

2. Memperdaya untuk taraf Bumiputera

Syarikat dan Firma Perunding yang telah diberi pengiktirafan Bumiputera berasaskan kepada dokumen yang dikemukakan, didapati tidak memenuhi syarat pengiktirafan pendaftaran taraf Bumiputera apabila dibuat pemeriksaan.

3. Membenarkan Sijil Akuan Pendaftaran digunakan oleh individu/syarikat/firma perunding lain

Syarikat dan Firma Perunding membenarkan Sijil Akuan Pendaftaran yang dikeluarkan oleh Kementerian Kewangan untuk digunakan oleh individu/syarikat/firma perunding lain untuk apa-apa tujuan perolehan LZNK.

4. Gagal mematuhi syarat pendaftaran

Syarikat dan Firma Perunding gagal memenuhi syarat/kriteria pendaftaran kod bidang yang ditetapkan iaitu:

- i. Gagal memenuhi syarat/kriteria pendaftaran kod bidang yang ditetapkan sepanjang tempoh sah pendaftaran; dan/atau
- ii. Syarikat /Firma Perunding/ individu gagal berdaftar dengan Lembaga Profesional yang berkaitan atau badan kawal selia yang diiktiraf.

5. Gagal mengemas kini maklumat pembekal

Syarikat/Firma Perunding gagal mengemaskini apa-apa perubahan maklumat dalam Modul Pendaftaran Pembekal dalam tempoh 21 hari dari tarikh perubahan tersebut berlaku.

(b) Kesalahan Kerana Melanggar Syarat Tender/ Kontrak

LZNK bertanggungjawab mentadbir kontrak dengan sempurna untuk memastikan Syarikat /Firma Perunding memenuhi semua obligasinya di

bawah kontrak yang ditandatangani. Sehubungan itu, LZNK akan mengambil tindakan ke atas Syarikat /Firma Perunding mengikut syarat-syarat kontrak sekiranya Syarikat/Firma Perunding gagal memenuhi obligasinya. Selain daripada tindakan tersebut, kesalahan yang boleh diambil tindakan penalti adalah seperti berikut:

1. Pemalsuan Maklumat/Dokumen

Syarikat/Firma Perunding telah memalsukan atau meminda apa-apa maklumat/sijil/dokumen yang berkaitan perolehan LZNK bagi memenuhi syarat yang ditetapkan untuk menyertai perolehan LZNK atau syarat kontrak.

2. Menarik diri

Syarikat/Firma Perunding yang telah pun menyertai perolehan LZNK seperti tender/sebut harga yang dikeluarkan oleh Divisyen Perolehan LZNK tetapi menarik diri selepas penutupan tender/sebut harga.

3. Menolak tawaran

Syarikat /Firma Perunding enggan menerima atau menolak atau tidak memulangkan Surat Setuju Terima tawaran Sebut Harga / Tender yang dikeluarkan oleh Divisyen Perolehan LZNK setelah tawaran dibuat.

4. Pakatan harga

Syarikat /Firma Perunding berpakat menentukan harga dengan pembekal lain ketika menyertai perolehan LZNK seperti tender/sebut harga yang dikeluarkan oleh Divisyen Perolehan LZNK dengan tujuan mendapatkan harga yang tinggi atau untuk menjamin Syarikat /Firma Perunding tertentu sahaja memenangi tender/sebut harga berkenaan.

5. Sub-kontrak atau *assignment*

Syarikat /Firma Perunding menyerahkan hak atau *assign* kepada pembekal lain tugas membekal, membuat atau menjalankan perkhidmatan untuk keseluruhan atau sebahagian daripada kuantiti kontrak/sebut harga/skop perkhidmatan yang diperoleh tanpa persetujuan terlebih dahulu daripada

LZNK.

6. Gagal mengekalkan taraf Bumiputera sepanjang tempoh kontrak berkuatkuasa

Syarikat yang diberi taraf Bumiputera oleh Kementerian Kewangan dan telah ditawarkan kontrak tetapi kemudiannya tidak mematuhi/memenuhi syarat kriteria Bumiputera sepanjang tempoh kontrak.

7. Gagal mematuhi Obligasi Kontrak/Pesanan Tempatan/ Inden Kerja LZNK

Syarikat /Firma Perunding telah gagal mematuhi obligasi kontrak/pesanan tempatan LZNK. Kesalahan di bawah kegagalan mematuhi obligasi kontrak/ Pesanan Tempatan LZNK antaranya adalah seperti berikut:

i. Lewat memberi bekalan/perkhidmatan /kerja

Syarikat /Firma Perunding lewat menghantar bekalan atau lewat memberikan perkhidmatan mengikut tarikh yang ditetapkan dalam kontrak atau Pesanan Tempatan LZNK.

ii) Gagal memberi bekalan/perkhidmatan

Syarikat /Firma Perunding membekalkan barang-barang/memberikan perkhidmatan kurang dari segi kuantiti/perkhidmatan yang dipersetujui atau gagal membekalkan pesanan yang telah dibuat;

iii) Gagal menepati spesifikasi

Barang-barang atau perkhidmatan dibekal/ diberi oleh syarikat tidak menepati spesifikasi seperti mana yang dinyatakan dalam kontrak atau Pesanan Tempatan; dan

iv) Gagal menepati Terma Rujukan (TOR)/skop kerja perunding

Bagi perkhidmatan perunding, output yang diberikan oleh firma perunding gagal menepati Terma Rujukan atau skop kerja yang ditetapkan.

v) Kesalahan berkaitan kapasiti firma perunding

Kesalahan yang berkaitan dengan kakitangan firma perunding antaranya adalah seperti berikut:

- i) Firma perunding menghantar kakitangan yang kurang berpengalaman untuk berurusan dengan LZNK;
- ii) Firma perunding menggantikan perkhidmatan kakitangan yang diluluskan oleh LZNK dengan kakitangan lain tanpa kelulusan LZNK; dan
- iii) Firma perunding menggunakan perkhidmatan perunding asing tanpa kelulusan LZNK terlebih dahulu.

vi) Tidak membuat pembaharuan pendaftaran

Syarikat masih mempunyai kontrak semasa dan tidak membarui pendaftaran sebelum tamat tempoh pendaftaran. Kesalahan ini juga termasuk bagi firma perunding yang tidak membuat pembaharuan pendaftaran dengan Lembaga Profesional yang berkaitan atau badan kawalan yang diiktiraf.

(c) Kesalahan Jenayah dan Tanggungan Sivil1. Kesalahan jenayah

Syarikat /Firma Perunding yang didapati melakukan jenayah dan disabitkan oleh mahkamah dalam tempoh kontrak. Di antara kesalahan jenayah tersebut adalah rasuah, penipuan dan pecah amanah.

2. Tanggungan sivil

Syarikat /Firma Perunding telah mengalami tanggungan sivil seperti berikut:

- i. Syarikat /Firma Perunding yang dikenakan perintah Penghutang Penghakiman (*Judgement Debtor*) termasuk penguatkuasaan yang dikeluarkan oleh mana-mana mahkamah yang mempunyai bidang kuasa;
- ii. Syarikat/pemilik/pengurusan yang telah diisytiharkan bankrap oleh mana-mana mahkamah; dan

- iii. Syarikat /Firma Perunding yang diletakkan di bawah perintah Penerimaan (*Receivership*) atau Pelikuidasi (*Liquidation*).

2 - Jenis-Jenis Tindakan/ Hukuman Tatatertib

Jenis-jenis tindakan/ hukuman tatatertib yang boleh diambil oleh LZNK bagi jenis-jenis kesalahan di atas adalah seperti berikut:

1. Surat amaran

Syarikat /Firma Perunding diberi surat amaran ke atas kesalahan yang telah dilakukan.

Sekiranya selepas tiga (3) kali surat amaran dikeluarkan tetapi Syarikat/Firma Perunding/Kontraktor tidak mengambil tindakan yang sepatutnya, LZNK boleh menamatkan bekalan/perkhidmatan/kerja yang ditawarkan kepada Syarikat/Firma Perunding/Kontraktor tersebut.

2. Gantung pendaftaran di peringkat LZNK

- i. Syarikat /Firma Perunding/ yang diputuskan untuk disenaraihitam melalui Mesyuarat Jawatankuasa Senarai Hitam LZNK atau Mesyuarat Lembaga Zakat akan digantung pendaftarannya secara kekal dan dilarang daripada menyertai atau menerima apa-apa tawaran yang dikeluarkan oleh LZNK sepanjang tempoh penggantungan berkuat kuasa.
 - ii. Kesemua ahli Lembaga Pengarah dan Pemilik Modal (perseorangan/perkongsian) tidak dibenarkan untuk mendaftarkan atas pembekal/syarikat baru dengan LZNK.
 - iii. Bagi kontraktor yang berdaftar dengan Portal Perolehan LZNK, sekiranya didapati berprestasi buruk/tidak memuaskan dan diputuskan untuk disenaraihitam melalui Mesyuarat Jawatankuasa Senarai Hitam LZNK atau Mesyuarat Lembaga Zakat akan digantung pendaftarannya secara kekal dan dilarang daripada menyertai atau menerima apa-apa tawaran yang dikeluarkan oleh LZNK sepanjang tempoh penggantungan berkuat kuasa serta laporan prestasi kontraktor tersebut akan dilaporkan melalui Sistem CIMS milik CIDB.
 - iv. Mana-mana kontraktor yang sekiranya didapati mempunyai rekod di Senarai Hitam di pangkalan data CIDB juga tidak akan dipertimbangkan untuk sebarang tawaran LZNK.
-

3. Ahli Lembaga Pengarah bagi Syarikat/Firma Perunding disenaraihitamkan
 - i. Syarikat/Firma Perunding/ Kontraktor yang mana pemilik modal atau ahli Lembaga Pengarah telah disenaraihitamkan **oleh agensi yang berkuasa (CIDB/ Kementerian Kewangan Malaysia)** yang memohon pendaftaran tidak akan didaftarkan sebagai Syarikat /Firma Perunding/Kontraktor yang boleh berurusan dalam perolehan LZNK.
 - ii. Sekiranya Syarikat /Firma Perunding/ Kontraktor berkenaan telah sedia berdaftar di dalam sistem perolehan LZNK, maka pendaftaran Syarikat /Firma Perunding/Kontraktor tersebut akan turut dibatalkan pendaftaran di dalam sistem Perolehan LZNK. Pemilik modal/ahli Lembaga Pengarah **boleh disenaraihitamkan secara kekal.**

3 - Tindakan Oleh LZNK

1. Mana-mana Pegawai yang bertanggungjawab dan mempunyai kawalan bagi rundingan dan pelantikan Syarikat/Firma Perunding hendaklah terlebih dahulu mengambil tindakan ke atas Syarikat/Firma Perunding berkenaan mengikut terma dan syarat-syarat yang diperuntukkan dalam perjanjian kontrak. Pegawai yang bertanggungjawab ke atas pelantikan Syarikat/Firma Perunding akan memastikan pentadbiran kontrak dilaksanakan dengan cekap dan teliti. Pegawai juga bertanggungjawab untuk melaporkan kepada Bahagian Perolehan mengenai Syarikat/Firma Perunding yang melanggar syarat-syarat kontrak bagi membolehkan tindakan sewajarnya diambil.
2. Divisyen Perolehan LZNK akan memastikan pendaftaran Syarikat/Firma Perunding dengan Kementerian Kewangan adalah masih sah dan bebas daripada apa-apa tindakan/hukuman tatatertib di perenggan 2 di atas sebelum membenarkan Syarikat/Firma Perunding berkenaan mengambil bahagian di dalam perolehan LZNK. Sehubungan itu, Divisyen Perolehan LZNK hendaklah menyemak Sijil Akuan Pendaftaran yang dikeluarkan oleh Kementerian Kewangan untuk mengesahkan pendaftaran Syarikat/Firma Perunding tersebut.
3. Divisyen Perolehan LZNK akan memastikan Syarikat/Firma Perunding adalah bebas daripada apa-apa tindakan/hukuman tatatertib semasa membuat pertimbangan bagi kontrak baru serta termasuk perubahan dan pelanjutan kontrak bagi kontrak yang sedang berkuatkuasa dengan Syarikat/Firma Perunding
4. Pertimbangan tindakan/hukuman akan diambil berdasarkan daripada Borang Penilaian Prestasi Pembekal/Kontraktor dengan mengambil kira markah penilaian bawah daripada 36% atau lain-lain justifikasi yang berkaitan.

4 – Prestasi Buruk

1. Mana-mana kontraktor yang sekiranya didapati mempunyai rekod buruk di pangkalan data CIDB tetapi belum disenaraihitamkan oleh CIDB juga tidak akan dipertimbangkan untuk sebarang tawaran LZNK dan sekiranya kontraktor/Syarikat tersebut telah berdaftar dengan portal perolehan LZNK, maka ia akan dibatalkan dan kerja dalam tangan yang diberi oleh LZNK akan dibatalkan serta **merta melalui surat rasmi LZNK.**